



UNIVERSITÄTS-
BIBLIOTHEK
PADERBORN

Vitæ Pontificum Romanorum

Ex Antiquis Monumentis Collectae

Sandini, Antonio

Bambergae, 1753

CXCV. Clemens V. Anno Christi 1305. Alberti Regis 7. Andronici 22.

[urn:nbn:de:hbz:466:1-65477](https://nbn-resolving.org/urn:nbn:de:hbz:466:1-65477)

(9) Waddingus tom. 6. Annal. Minorum
ad an. 1304. §. 14 pag. 39.

(10) Bzovius ad an. 1304. §. 1. & 2.

(11) Veneno absumptum, quod ei quorundam Cardinalium invidia, vel Florentinorum malevolentia paraverit, scriptis proditum est. Utcunque sit, id certò constat, fuisse Pontificem sanctissimum, & miraculis post mortem patratis inclytum. Quare anno 1734. actum est de eo referendo inter Sanctos, ut legere licet apud Lambertinum De Serv. Dei Beatif. & Beat. Canoniz. lib. 4. in Additionibus ad universum opus pag. 348.

Supersunt adhuc ejus nepotes in vico S. Viti Valeduplavenis agri Tarvisini, qui duodeviginti passuum millibus abest à Tarvisio in Septentrionem. Hos Veneta Respublica favore quodam insito in Pontifices habet eximios immunitatibus multis datis.

CXCV.

CLEMENS V.

ANNO CHRISTI 1305.

ALBERTI REGIS 7. ANDRONICI 22.

Inter Cardinales, qui Perusiæ coierant ad creandum Pontificem, orta dissensio est, aliis Italum & Bonifa-Rayn. an. cii VIII memoriæ haud contrarium, 1305. §. 1 aliis Gallum & Philippo *Pulcro* ami. & seqq.

D d d 2

cum

Spond.

§. 1. &
seq. An.

1306. §. 1.

cum eligere contendentibus. Dirempto post menses undecim per Nicolaum Cardinalem Pratensem certamine, Nonis Jun. anno 1305. summa rei Christianæ defertur *Bernardo de Agutis, seu de Gotto*, Archiepiscopo Burdigalensi. Acceptum Burdigalæ X. Kal. Quintil decretum electionis suæ promulgavit die postero, imposito sibi *Clementis V.* nomine. Inde profectus Lugdunum, eodémque accitis Cardinalibus, XVIII. Kal. Decembr. inauguratur in *Æde S. Justi*. Cernens hic Italiam factionibus perturbatam, substitit in Gallia, sedémque Pontificiam transtulit Avenionem, ubi hæsit annos circiter septuaginta. (1) Ipse modo Lugduni, modo Burdigalæ, sed Avenione præsertim commoratus est. Regem Christianissimum recepit in communionem Ecclesiæ. Cardinales *Jacobum & Petrum de Columna patrum nepotem*, quos olim *Bonifacius VIII.* deposuerat, ipse reposuit in Cardinalatu: (2) nullo tamen pacto adduci potuit, ut *Bonifacii VIII.* quod maximè Rex postulabat, memoriam damnaret, ejúsque acta aboleret. *Andronicum Orien-*

Rayn. an.

1307.

§. 7. 10.

Spond.

§. 1. 4.

Orientis Imperatorem in schismate pertinacem execratus est. Approbavit electionem Henrici VII. Regis Romanorum, conditione adjectâ, ut intra biennium insignia Imperii acciperet Romæ. Accepit autem anno

Rayn. an.
1309 §. 12
13 An.
1314 §. 21
37. 40.
Spond.

1312. die festo Apostolorum Petri & Pauli in Ecclesia Lateranensi à Cardinalibus in id à Pontifice Romam missis, suamque fidem, antequam facro inungeretur oleo, obligavit Sedi Apostolicæ, pollicitus, se ei obsequentissimum fore. Interim Clemens Cælestinum V. retulit inter Divos, & Concilium Oecumenicum XV.

§. 2. 3.

Viennæ Allobrogum celebravit (3)

Rayn. an.

Obiit anno 1314. XII. Kal. Majas ad

1314 §. 14

Rupem Mauram Diœcesis Nema-

Spond.

ensis, dum Burdigalam pergeret, *anno octavo, mense decimo, die quinto decimo*, ex quo Pontificatum conscenderat. Corpus ejus translatum Uzestam, vicum Vasatensis Diœcesis, ibique sepultum in Ecclesia B. M. Virginis. (4)

§. 1.

ANNOTATIONES.

(1) S. Petrus Venerabilis Abbas Cluniacensis lib. 1. epist. 1. ad Innocentium II. tom.

D d d 3

22.

22. Bibl. Patr. pag. 826. *Ubiunque occurrerit habitatio vestra, manebit ubique vobiscum obedientia & devotio nostra: quoniam & secundum Poëtam* (Lucan. l. 5. v. 28.)

----- Vejos habitante Camillo,
Illic Roma fuit. -----

& Petrus in carcere, Clemens in exilio, Marcellus in catabulo, non minus quam Laterani, Ecclesie præfuerunt, & oves Christi eis ut veris Pastoribus obediunt.

Auctor Glossæ ad Joannis XXII. Extravag. *Execrabilis de Præbendis & dignitat. Ubi est summus Episcopus, qualis est Papa, ibi est Romana Ecclesia. ibi est Sedes Apostolica.* Vide Baluzii Præfationem ad Vitas Papatum Avenionensium.

(2) Bernardus Guidonis in vita hujus Pontificis inter Script. Rer. Italic. tom. 3. p. 674.

(3) Anno 1311. Interfuerunt, præter Cardinales, Patriarchæ Alexandrinus, & Antiochenus Latini ritus. Quot Episcopi interfuerint, haud parvo inter scriptores discrepat numero. Alibi centum & quatuordecim, alibi trecentos reperio. Illud satis constat, numerum Episcoporum & Præsulum inferioris ordinis magnum fuisse, quem auxere Philippus *Pulcher* Rex Francorum, & aliorum Principum Oratores. Præfuit ipse summus Pontifex. Intra menses circiter septem perfectum est tribus *sessionibus*. In prima disceptatum de causa Templariorum

Conc.
Oecum
XV.

rum, subsidio Terræ Sanctæ, & Ecclesiæ disciplina. In altera Clemens latâ, *sacro approbante Concilio*, sententiâ abolevit Ordinem Templariorum criminibus turpissimis convictum duobus testium millibus, eorumque opes amplissimas adjudicavit Equitibus Hospitalariis S. Joannis Hierosolymitani, quos nunc *Melitenses* appellamus. In tertia variæ conditæ constitutiones ad mores, fidemque Catholicam pertinentes. Anathemate damnatus Petrus Joannes Olivi. Eâdem pœnâ affecti Fratricelli, Dulcinistæ, Beguardi, & Beguinæ: quorum turpes errores recensentur in Clementina *Ad nostrum* 3. Confirmatæ Gregorii X. leges de comitiis Pontificalibus, & refertur decretum in Clementina *Ne Romani* 2. Statutum, ut in Scholis Romanæ Curia, & Academiis Parisiensi, Oxoniensi, Bononiensi, & Salmanticensi essent publici linguarum Hebraicæ, Arabicæ, & Chaldaicæ professores. Decretum insuper, Festum Corporis Christi ab Urbano IV. institutum debito honore & cultu peragendum esse ab Christianis omnibus. Ex his, aliisque constitutionibus librum septimum *Decretalium* Clemens V. confecit, quem Joannes XXII. ejus successor in lucem emisit inscriptum nomine *Clementinarum*, ex quibus hæc ferè desumpsimus.

(4) Zerola in Praxi Episcopali verbo *Episcopus* num. 15. *Episcopi usque ad Cle-*
Ddd 4 *men-*

mentem V. & Joannem XXII. erant in dignitate supra Cardinales.

Barbosa lib. 1. Juris Ecclesiastici universi cap. 3. num. 7. Usque ad tempora Bonifacii VIII. nullus erat Episcopus, qui vellet fieri Presbyter Cardinalis, quia putabant non licere descendere à majori dignitate ad minorem.

CXCVI.

JOANNES XXII.

ANNO CHRISTI 1316.

IMP. OCCID. VACANTE, ANDRONICI. 32.

Dissidentibus inter se post Clementis V. mortem Cardinalibus, in

terregnum annorum amplius duorum fuit. Anno demum 1316. VII.

Idus Sextil. Lugduni Pontifex creatus est *Jacobus de Eusa*, Ecclesiastici ac divini juris præstans scientiâ, Episcopus Cardinalis Portuensis, Cadurci loco haud infimo natus. (1)

Joannem XXII. se appellari voluit, ac VII. Idus Septembr. coronari.

Duo præsertim hunc habuere sollicitum, excitata per *Fratres Minores de sua*, Christi, & Apostolorum pau-

Rayn. an.
1316 §. 1
2. 5.
Spond.
§. 1. 2.